


EUSKO LEGEBILTZARRA. AABen diru kanpainari buruz jardun zuten

MIREN SAEZ

Batasuneko legebiltzarkideak, Carlos Urkijoren ondoan, pankartak erakusten.

Batasuneko bi kide batzar aretotik egotzi ditu Atutxak, kartelak ateratzeagatik

Morcillo eta Alvarez kargutik kentzeko eskatu zuen Mayor Orejak

Felix Iriarte | GASTEIZ

«Ematen du Batasunak ez duela parte hartuko». Hitz horiekin ekin zion Carlos Urkijok hitzaldiari, jakinik Batasuneko zazpi aulkiak hutsik zeudela. PPko eleduna mintzatokira igo zen AABek urtero egiten duten diru bilketa salatzen. Izan ere, kanpaina aurrera ateratzeko «presioez» baliatzen direla esan zuen Urkijok.

Horrela ari zela, Antton Morcillo eta Joseba Alvarez Batasuneko legebiltzarkideak aretora sartu ziren. Eta Urkijoren ondoan geratu ziren, albo batean bata eta bestean bestea, eta bi pankarta zabaltzen zituzten, idatzi honekin: *Euskal Herriari erasorik ez*. Juan Maria Atutxa Legebiltzarreko lehendakariak alde egiteko eskatu zion Batasuneko bi kideei, eta hala egin zuten Morcillok eta Alvarezk.

Hitzaldiarekin segitu zuen Urkijok, Batasuneko *parte-hartzearen* ondoren. Ez zuen ematen urduriago zegoela, eta gidoiarekin segitu zuen. Jaurlaritzaren jokabidearengatik «etsita» zegoela esan zuen, antza denez ez dituelako «ETA, AABak eta ezker abertzalea go-gaitu nahi». «Jaurlaritzak beste alde batera begiratzen du, eta txoriez hitz egiten digu», esan

BATASUNA

‘Euskal Herriari erasorik ez’ zioen pankartak zabaltzen zituzten Morcillok eta Alvarezk, Urjiko hitz egiten ari zela

PP

Gertatutakoa «oso larritzat» jo zuen, eta zigor neurriak hartzeko exijitu zion Legebiltzarreko lehendakariari

zuen, Batasuneko kideek zer egin zuten erreparatu gabe.

Mayorren erantzuna

Beste alderdietako kideek ere ez zioten bestelako garrantzirik eman aferari, ez baitzuten aipatu mintzatokira igo zirenean. Baina PPk ez zuen gaia horrela utzi nahi, eta Jaime Mayor Oreja PPko buruzagiak eman zuen erantzuna, batzar aretotik kanpo, Legebiltzarreko korridoreetan.

«Zigor neurriak exijitzen ditugu. Deitoratzen dugu Atutxak

araudiaren 94. artikulua aplikatu ez izana eta bi parlamentariak kargutik ez kendu izana», adierazi zuen Mayorrek.

PPko buruzagiak aipatu zuen neurria hartzeko exijitu zuen gero Leopoldo Barredak bozeramaileen batzordean. Baina ezinezkoa zen. Hala egiteko, Atutxak espedienteak ireki behar zuen gertaera izan zenean, eta alde egiteko besterik ez zien eskatu. «Atutxak kontua hartu du gauza arrunta izan balitz bezala, baina oso larria izan da», deitoratu zuen Barredak.

Ido beretik jo zuen Mayorrek, Batasuneko kideen ekintzari garrantzia emanez. «Pailazokeria baino zerbait gehiago izan da. Ez da posible bi parlamentarik Urkijo hala koakzionatzea. Hori gure gizartean gertatzen denaren isla besterik ez da», esan zuen.

Halako gertaerak berriro ez ote diren gertatuko beldur da alderdi popularra. Hori dela eta, Atutxari eskatu dio «zuhurrago» jokatzeko. Gainera, Legebiltzarreko Mahaiak gertatutako aztertzeko eskatu du PPk.

«Batasunak ez du gaurko [atzoko] saioan parte hartu, eta horrek esan nahi du ez duela Legebiltzar honetan sinesten eta beldurra sartu nahi duela», adierazi zuen Mayorrek.

LABURAEAN

Lander Peiro gazte iruindarra askatu dute, bermea jarrita

Lander Peiro azaroaren 5ean atxilotu zuen Espainiako Poliziak, eta egun pare bat lehenago gertatutako kale istilu batzuetan parte hartzea egotzi zioten. Poliziak haren diru zorroa aurkitu zuen Alde Zaharreko kale batean, eta horregatik atxilotu zuten. Gaztea atxilotuta egon zen denboran inkomunikatuta egon zen, eta Madrilgo Auzitegi Nazionalan deklaratu zutenan torturak eta presio psikologikoak salatu zituen. Gazteak ukatu egin zituen bere kontrako akusazioak, baina espetxeratu egin zuten. Atzo epaileak 100.000 pezetako bermea jarri zion eta aske utzi zuen.

Aske utzi dituzte joan den astean espetxeratu zituzten bi bizkaitar

Oskar Martin eta Igor Fernandez Barakaldoko gazteak joan den astean atxilotu zituen Guardia Zibilak. Epaitu eta zigorra defentsari jakinarazi baino lehen atxilotu zituzten. Atzo Auzitegi Nazionalera eramanez zituzten, epaia zigorraren izaten denean auzialdi bat egiten baita espetxeratu behar duten edo ez erabakitzeko. Horretan, bi gazte horiez gain, auzi berean zigortua dagoen Istebe Mirena Garcia ere egon zen. Aldeen argudioak entzun ondoren, epaileak hiru gazteak aske uztea erabaki du, Auzitegi Gorenak defentsak jarritako helegitea aztertu arte.

Bi preso txalotzeagatik atxiloturiko gazteak kartzelan daude oraindik, epaileak ez baitu erabakirik hartu

Auzitegi Nazionalako epaigela batean atxilotu zituzten hiru gazteek kartzelan jarraitzen dute. Juan del Olmo epaileak atxilotu moduan espetxeratzeko agindu zuen, fiskalak «terrorismoaren goraiapena» leporatu ondoren. Jakina denez, Harriet Iragi eta Jon Igor Solana presoan epailetan bi preso horiek txaloka agurtzeagatik atxilotu zituzten. Epaileak zenbait diligentsia egin ondoren erabakiko zuela esan zuen, eta horretarako atzo epaigelan zeuden hiru poliziari deklarazioa hartu zuten. Hori egin ondoren erabakia hartu beharrean, ordea, gaur lau kazetariri deklarazioa hartzea erabaki du epaileak. Ondorioz, hori egin bitartean, gutxienez, espetxean jarraituko dute David Cibre, Fernando Pedrosa eta Oscar Perez gazteek, Soto del Real kartzelan.

Frantzia eta Espainiako sozialistak bilduko dira segurtasun arloko lankidetzaz aritzeko

PSOEko idazkari nagusi Jose Luis Rodriguez Zapatero eta PSko lehen idazkari François Hollande Madril biltzeko dira gaur, «terrorismoaren» aurkako borrokan lankidetzaz aritzeko. Irailaren 11ko atentatuen ostean Europako Batasunak izan behar zuen jarreraz ere hitz egingo dute.

Ortuondo: «PPk bere intereserako erabiltzen du Europako Legebiltzarra»

Josu Ortuondo EAJko eurodiputatuak atzo salatu zuenez, PPk «alderdiaren intereserako» erabiltzen du Europako Legebiltzarra. Herenegun PPko Nuevas Generaciones-eko ordezkari bat Legebiltzarrean izan zelako egin zituen adierazpen horiek Ortuondok. «PPren beste komedia bat ikusi dugu», esan zuen.

Eibarko Udala

IRAGARKIA

Gobernu Batzordeak, 2001eko azaroaren 9an egindako bilkuran, Otolerdi 30. II.aren 30-1, 30-2 eta 30-3 II.aren edo burutze-unitate horiek Zedarrizatzeko Proiektuari hasierako onepena eman zion. Unitatearen proiektua MENDIGUREN Y ZARRAJA etxeak aurkeztu zuen, eta M.A. Irizabalbeitia y P. Izaskun arkitektoek egindakoa da. Hala ere, behin-betiko onepenerako ekarri behar duen agintari hainbat zuzenketa egin behar dituela adierazi zailo.

Legebiltzarren 5/98 legearen 5. artikulua, apirilaren 9ko 1346/1976 Errege Dekretuz onartutako hiri-antolaketa eta luraren araubideari buruzko legearen idatzi bateratuaren 118. artikulua, eta, Hirigintz Kudeaketarako Araudiaren 36. artikulua esandakoak betetzeko, proiektua jendaurrean uzten da, iragarki hau Gipuzkoako Buletin Ofizialean argitaratu eta biharamunetik aurrera, hurrengo 15 egunetan nahi diren erreklamazioak eta oharrak egin eta aurkeztu ahal izateko.

Eibar, 2001-11-21.
ALKATEAK: Iñaki Arriola López.

Berrizko Udala

IRAGARKIA

2001eko azaroaren 8an, Berrizko Udalako Osoko Bilkurak erabaki zuen, oraingoz onartzea MANUFACTURAS INAUG, S.L.ren Eituako Industri Hiri Lurzoruaren Aldatutako Xehetasuneko Estudioa, Francisco Javier Landaluze Echevarria arkitektoak egina, eta jendaurrean jartzea Bizkaiko Aldizkari Ofizialean, iragarpen taulan eta Bizkaian gehien irakurtzen diren egunkarietan argitaratuta, hamabost eguneko epean, azken iragarpena argitaratu eta hurrengo egunetik hasita, edozein interesatutako alegazioak aurkezteko era izan dezan. (C13-T13-2 artiboa)

Berrizen, 2001eko azaroaren 20an.
ALKATEA, Rosa M^a Ostogain.